

Bemba - Mupashi Ubulwi Malembo Yamushilo - SW Intro Scriptures

Luka 17:5 Abasole baeba Imfumu abati, “Tulundileniko icisumino!”

Roma 10:17 Kanshi icisumino cifuma ku mashiwi bomfwa. Elyo na aya mashiwi, yantu bafundwa pali Kristu.

Luka 11:1 Ubushiku bumo Yesu alepepa mu ncende imo. Ilyo alekele ukupepa, umusambi wakwe umo amwebelea ati, “We Mfumu tufunde ukupepa, ngefyo Yoani afundile abasambi bakwe.”

1 Timote 2:1-4 Ndemukonkomesha ukuti, icakubalilapo pali fyonse pakupepa Lesa, mulepapatilako no kupepelako no kulombelako no kutashishako abantu bonse. 2 Mulepepelako na bashamfumu na bonse bambi aba mu buteko, epakuti tuleikala ku matwi tondolo mu cibote, abapetamina Lesa, kabilo aba mibeele isuma. 3 Ici cine e cisuma, kabilo ecisansamusha Lesa Umupusushi wesu. 4 Ena afwaya ukuti abantu bonse bapusuke, beshibe ne cishinka.

Sakaria 3:1,2 Elyo malaika anangile shimapopo mukalamba Yoshua uwaiminine lubali kuli malaika wakwa Yawe, kabilo ananga na Satana uwaiminine nao ku kulyo kwakwa Yoshua pakuti amusoselele. 2 Elyo Yawe alaeba Satana ati, “Yawe nakulimune iwe Satana! Ee, Yawe uwasala Yerusalemu nakulimune! Uyu muntu Yoshua alifye nge cishishi ico basompwele peshiko.”

Efeso 6:12 Pantu ubulwi bwesu tebwakulwisha abantu, lelo bwakulwisha bakateeka, abamaka, bakateeka ba mfifi abe sonde lino, elyo ne mipashi yamaka iyabipa iyaba mu Iwelele.

Efeso 6:10,11 Pakulekelesha ndeti, mulekoselela mukwampana ne Mfumu na mu maka yaiko ayakalamba nganshi. 11 Fwaleni ifyanso fyakwa Lesa fyonse. Lyena elyo mukakosa mukulwisha ubucenjeshi bwabipa ubwakwa Ciwa.

Efeso 6:13-17 Kanshi nomba ipangasheni ifyanso fyakwa Lesa, pakuti ilyo ubushiku bubi bukafika, mukamone ukwansha umulwani. Elyo na panuma yakumulwisha, mukashale abakosa. 14 Kanshi mube abakosa. Umushipi wakukaka mu musana, cishinka. Icela cakufimba pa cifuba, kuba abakaele pa cinso cakwa Lesa. 15 Indyato shenu, kuba abaiteyanya kukubila Imbila Nsuma iyileta icibote. 16 Kabilo lyonse muleba ne cisumino, e nkewela yenu iyakushimishako imifwi yamulilo iyo Ciwa afwinta. 17 Mulepokelela ukupususha kwakwa Lesa kwati cimpompo cakufwala ku mutwe. Elyo mulepokelela amashiwi yakwa Lesa, e lupanga Iwakwa Mupashi.

Bahibulu 4:12 Ishiwi lyakwa Lesa lyamweo, kabilo libomba na maka. Lyalitwa ukucila no lupanga ulwatwa kubili. Lilapitilila icakuti lyalekanya umweo no mupashi, lyalekanya no mwasuntanina amafupa ku bufyompo. Lilapelulula ififwaya ne fitontonkanya umutima wa muntu.

Luka 4:8 Nomba Yesu amwasuka ati, “Calilembwa ukuti, ‘Ulepepa Imfumu

Lesa obe, kibili ekafye eo ulebombela.’ ”

Efeso 6:18 Mulepepa Lyonsefye. Mulelomba Lesa alemwafwako. Lyonse ilyo mulepepa, muleleka Mupashi alemutungulula. Kanshi eico muli nokuba abaiteyanya, mwilatendwa iyoo, mulepepelako na bamushilo bonse.

1 Samwele 17:45-47 Davidi nao aeba Umufilisiti ati, “Iwe waisa kuli ine no lupanga elyo ne fumo, lelo ine naisa kuli iwe mwishina lyakwa Yawe umwine wa fita, Lesa wa fita fya nkondo fya bena Israeli, untu iwe wasebanya. 46 Buno bwine bushiku Yawe alakupeela mu minwe yandi, elyo na ine ndekulimuna no kuputulako umutwe obe. Illelo line ndepeela ifitumbi fya fita fya Bafilisiti ku fyuni fya mu Iwelele na ku finama fya pano sonde, kibili ne calo conse cikeshiba ukuti mwaliba Lesa mu Israeli. 47 Na bonse abalongene pano balaishiba ukuti te ku lupanga nangu ifumo eko Yawe apusushisha iyoo. Pantu Yawe e mwine wa bulwi kibili alapeela imwe mu minwe yesu.”

Luka 10:17-20 Awe abasambi balya amakumi cine lubali na babili, babwelele baleyangafye ku nsansa. Balaeba Yesu abati, “We Mfumu, ala ne mipashi yakowela yalecimba nga twalumbula ishina lyobe.” 18 Yesu abeba ati, “Nalemona uko Satana napona ukufuma ku mulu kwati ni nkuba. 19 Moneni, imwe nalimupeeela amaka ayakunyanta pa nsoka na pali bakalijango na yakwansha ubulamba bonse ubwa mulwani. Takuli ne cingamucita akabi nakalya. 20 Nomba mwilasansamukafye pali ico imipashi yakowela ilecimba kuli imwe, lelo mulesansamuka pali ico amashina yenu nayalembwa mu mulu.”

2 Kolinti 10:3-5 Kwena twikalafye ngo muntu onse pano calo, lelo tatulwila na mano yabuntunse. 4 Ifyanso tulwishishako te fyabuntunse iyoo, lelo fyanso fyakwa Lesa ifyamaka, ifyo tubongolwelako amalinga ayakosa. 5 Tulacimfyia ifikansa fyonse ifyabufi. Tulacimfyia icilumba conse icilesha ukwishiha Lesa. Tulanasha amatontonkanyo yonse aya bantu ukuti yanakile Kristu.

2 Timote 1:7 Pantu Mupashi Lesa atupeela tewakulenga ukuti tube no mwenso, lelo ni Mupashi wakutupeela amaka, icitemwiko, no mutekatima.

Mateo 12:28,29 Lelo nga ni ku maka yakwa Mupashi wakwa Lesa eko ntamfisha imipashi yakowela, ninshi Ubufumu bwakwa Lesa nabufika uko muli. 29 “Elyo kibili bushe umuntu kuti aingilila shani umuntu uwamaka mu njanda no kutapa ifyuma fyakwe, nga cakuti pakubala tabalilepo ukumukaka? Iyoo kano ninshi abala akaka uwamaka elyo engatapa ifyuma fyakwe.

Efeso 1:13 Kibili muli Kristu, na imwe ilyo mwaumfwile amashiwi yacishinka, Imbila Nsuma iyakumupususha, no kusumina mwasumine muli Kristu, Lesa amupeele Mupashi Wamushilo uo alaile, icishibili cakulanga ukuti muli bantu bakwa Lesa.

Imilimo 19:6 Elyo Paulo abatambalikilapo amaboko, awe Mupashi Wamushilo

aisa pali bena. Balandi indimi ishalekana lekana, balasesema na mashiwi yakwa Lesa.

Mako 16:15-18 Elyo abeba ati, “Kabiyen mu fyalo fyonse, mulebila Imbila Nsuma ku bantu bonse. 16Uwasumina no kubatishiwa abatishiwa, akapusuka. Lelo uwakaana ukusumina wena akaba no mulandu. 17 Elyo ne fishibili fyacipeshamano ifyo abansumina bakalacita nifi, bakalatamfyia imipashi yakowela pakubomfyia ishina lyandi, bakalalanda na mu ndimi ishipya. 18 Kibili bakalaikata insoka, elyo nga banwa icakwipaya umuntu tacakalebacita nangu cimo. Bakalatambalikila na maboko yabo pa balwele, nabo bakalapola.”

1 Yoani 1:9 Lelo nga tulayebelela ifyabubifi fyesu kuli Lesa, apo wena wacishinka alacita ifyo alaile. Alatubelela uluse ku fyabubifi fyesu fyonse, no kutusamba ku fibi fyonse ifyo tucita.

Ukfuma 20:5 Wilafukamina utulubi nangu ukutupepa. Pantu ine ne Yawe, Lesa obe, ndi Lesa wabufuba. Nkanda abana pa bubifi bwa bashibo ukufika na ku nkulo yalenga butatu ne yalenga bune iya bampata.

Amalumbo 109:17 Ena alitemenwe ukulatipwila bambi, kansi nao intipu kashimulye. Tasangilemo insansa mukupaala, kansi nao peba nelyo umo uwakumupaala.

Abapingushi 16:16 Awe Delila mu kupatikisha kwakwe akonkenyepofye ubushiku no bushiku ukulaipusha Samsoni, mpaka icifukushi caishile kuli Samsoni, alafwaisha no kufwa.

Efeso 4:26 Nga cakuti mwafulwa, mwilaleka ukufulwa kwenu kumutwale kukubifya. Mwileka akasuba kawe mwikelefye mukufulwa.

Roma 14:12 Mwamona kansi, bonse umo umo tuli nokuya ilubulwila kuli Lesa.

1 Yoani 2:23 Pantu uukaana Mwane ninshi taba na Wishi, lelo uusumina Mwane ninshi aba na Wishi wine.

Yoani 14:6 Yesu amwasuka ati, “Nine nshila, nine cishinka, nine mweo. Teti kube nangu umo uwingesa kuli Tata, kano apita kuli ine.

Mateo 11:28-30 “Iseni kuli ine mwe bacucutika na mwe batitikishiwa, na ine ndemupeela ukutuusha. 29 Muleitwika ikoli lyandi, mulesambilila na kuli ine, pantu ndi wamutembo, nalifuuka no mutima. Lyena elyo mwakulaikala ne mitima tondolo. 30 Pantu ikoli lyandi talyayafya, ne cipe candi calyanguka.”

2 Kolinti 6:2 Pantu Lesa atila ati, “Pa nshita yandi yakulanga icikuuku nalikumfwile. Pa bushiku bwakukupususha nalikwafwile.” Umfweni! Ino e nshita ya cikuuku cakwa Lesa. Buno e bushiku bwakupusukamo!

Roma 10:13 Efyo calembwa ukuti, “Abantu bonse abakalilila peshina lya Mfumu ebakapusuka.” Pastor T. John Franklin

Church of Salvation, Healing, and Deliverance

COS-HAD.org